

ԻՆՉ Է ՈՐՈՆՈՒՄ

Իմ սիրտը բռնեց մի անզուսպ փափագ՝
Ճախրել վե՛ր ու վե՛ր ունայն աշխարհից,
Ծծել եթերքի բուրմունքը անյագ՝
Հեռու այս կեանքի գարշ մթնոլորտից:

Ձգիտեմ՝ ինչո՞ւ ուզում եմ թռչել,
Աստղերից վերեւ թռչել անդադրում,
Եթերք ծովի մէջ՝ սուզուել ու կորչել՝
Որոնումների մթին աշխարհում:

Ի՞նչ է որոնում հոգիս հրավառ,
Արդեօք մի կայա՞ն՝ ցաւերից ազատ,
Թէ բուռն ու եռուն կռիւ ու պայքար՝
Փոթորկոտ սրտիս այնքա՞ն հարազատ:

Յ. Պետրոսեանց